

金石萃編

金石萃編卷二十八

賜進士出身 誥授光祿大夫刑部右侍郎加七級王昶撰

北魏二

司馬景和妻墓誌銘

石高廣各二尺二寸八分二十
一行行二十一宇正書在孟縣

魏代揚州長史南梁郡太守宜陽子司馬景和妻墓誌
銘

夫人姓孟字敬訓清河人也蓋中散大夫之幼女陳郡
府君之季妹夫人資含章之淑氣稟懷鼓之奇風芬芳
特出英華秀生婉問河洲鼓鍾千里年十有七而作嬪

於司馬氏白笄髮從人檢無違度四德孔備婦宜純備
奉舅姑以恭孝興名接姊妹以謙慈作稱恒寬心靜質
舉成物軌謹言慎行動爲人範斯所謂三宗屬矩矱
承規者矣又夫人性寡妒忌多於容納殺桃友之宜上
駕小星之遂下故能慶顯龜斯五男三女出入閭闔諷
誦崇禮義方之誨旣形幽閑之教亦著然盡力事上夫
人之勲夫婦有別夫人之識捨惡從善夫人之志內宗
加密夫人之恤姻於外親夫人之仁夫人有五器而加
之以躬檢節用豈悟天道無知與善徒言享年不水國
回橫集春秋卅有二以延昌二年夏六月甲申朔廿日

癸卯避疾奄忽薨於壽春嗚呼哀哉享年三年正月庚戌朔十二日辛酉歸塋於鄉墳河內溫縣溫城之西寔以營原興壟墓野成丘故式述清高而爲頌云

穆穆夫人乘和誕生蘭葉惠柔玉潤金聲令問在室徽音事庭方孚洪烈範古流名如何不淑早世但傾思聞後葉刊石題誠

右司馬景和妻墓誌銘首稱魏代或以代爲朝代之代非也按集古錄太武太延五年大代修華嶽廟碑跋云魏自道武天興元年議定國號羣臣欲稱代而道武不許乃仍稱魏自是之後無改國稱代之事而

魏碑數數有之碑石當時所刻不應妄但史失其事
爾由是言之史家闕謬可勝道哉金石錄云余按崔
浩傳云方士初繼奏改代爲萬年浩曰晉太祖道武
皇帝應期受命開拓洪業諸所制置無不循古以始
封代土後稱爲魏故代魏兼用猶彼殷商蓋當時國
號雖稱爲魏然猶不廢始封故兼稱代爾今按此所
云魏代正是代魏兼用之義足與史書相發又按後
魏太安二年中嶽廟碑內有太代應期之語亦可明
此所謂代非朝代之代也 又此誌所述事迹其體
頗似加九錫文竊以謂此是司馬家風故相沿以施

之於巾幘爾又其書體多出創意如妻作妻墓作廩
從作從舉作舉螽作螽之類幾難枚舉蓋皆不合六
書之義然後魏書碑亦往往而是此自是一種風氣
不必深論也若其筆跡之佳及深得書家三昧政如
黃山谷評楊風子書所謂散僧入聖者當爲魏碑中
佳刻然初觀殊不可喜又此石雖存然較之三十年
前搨本已多損剝良由石質脆薄多拓定不能久耳
石方尺六寸厚僅二寸許云

孟縣志

沈進士嵩門以所藏魏人墓誌見示按其文題曰魏
代揚州長史南梁郡太守宜陽子司馬景和妻墓誌

銘以延昌三年正月辛酉葬而爲頌題稱銘而文稱
頌題不著其妻姓而文但曰中散大夫之幼女陳郡
府君之季妹亦不著其父兄之名皆金石例所未舉
雖漢碑有之然非正也魏自有晉懷愍之世始封於
代逾九十年乃詔以國號爲魏而此文猶以魏代爲
碑則其不忘本始之意亦可見矣文多別體蓋北朝
習俗相沿使然爾

翁方綱跋

誌銘題首云魏代揚州長史南梁郡太守宜陽子司
馬景和妻其文首云夫人姓孟字敬訓清河人也以
延昌三年自壽春歸葬鄉墳河內溫縣溫城之西安

魏書崔浩傳以始封代土後爲魏故代魏兼川德彼
殷商今此誌題魏代與傳文正相符契然以推之道
武帝紀天興元年羣臣言國家萬世相承啟基雲代
應以爲號帝下詔宜仍先號以爲魏則當時改號稱
代帝實不從而魏修中嶽廟碑于大代太和兩見太
和二年始平公造像記亦云暨于大代太和七年孫
秋生造像記首題大代以例誌文兼號魏代此必史
氏之疎又不悟其紀傳自相戾也石近爲馮戶部魚
山搜出已載入孟志所論與余合又別體字稟作稟
筭作筭備作備族作族寡作寡妬作妬姦作姦
授堂金石

按魏書傳司馬叔璠爲晉安平獻王孚之後晉末入魏以安遠將軍丹陽侯卒子靈壽道壽道壽爲寧朔將軍封宜陽子長子元興次子仲明元興子景和官給事中稍遷揚州驃騎府長史清河內史正光元年卒贈左將軍平州刺史與志皆合然書稱元興襲父爵不書景和襲爵豈史之疎歟魏孝明延昌二年爲梁天監十二年時梁魏構兵于淮南諸郡而壽春扼其衝且是年五月壽陽大水城不沒者三版干戈倏擾之際乃能從容歸葬又作

銘以示後人夫人不可謂非幸也然是時距正光
元年不及十年而景和亦已歿矣北史既不載景
和魏書亦不載景和之子此誌雖有五男三女之
文名皆不著頗恨其過簡然字畫古質可喜往往
有隸意尤多別體爲魏晉南北朝所罕見者第自
來金石書皆不著錄不審其石何在也沈子嵩門
以拓本見示完好可誦因考而書其後嵩門名景
熊仁和縣舉人成進士爲予小門生現任貴州印
江知縣

尹靜妙造像記

石不計尺寸記七行行
四字五字三字不等

延昌四口八月辛未朔廿九日巳亥清信女尹靜妙口
一切衆生造

松滋公元萇溫泉頌

碑連額高五尺五寸廣三尺二十一行每
行計三十字正書篆額在臨清縣靈泉觀

魏使持節散騎常侍都督雒州諸軍事安西將軍雒州
刺史松滋公河南元萇振興溫泉之頌

夫駕輕煙勒麟鳳駛及奔星走攀流月蟬變羽化之民
食霞口口之士斯蓋有道存焉固非人事之所覩覩至
若泥行水驟而食之夫興沒自天去來非已寸陰口於

朝露百齡迅於滅電一物不諧則耽贅以生庶事不康
則風火以敗故聖王口百姓之多疾換藥石以濟之造
化愍蒼生之鳩毒設甘餌以救之蓋溫泉者乃自然之
經方天地之元醫出於河渭之南泄於麗山之下淵華
玉澈口清數刃靈感超異峻極不測無樵薪之費而揚
湯沸於楚鏤無公諫之探而寒暑調於夏鼎高塘之雲
朝舞於水湄巫山之雨夕收於淵際青林碧草含露而
通岸香風蕙色列口而環渚於是左湯谷右濛汜南九
江北瀚海千城萬國之氓懷疾枕痾之口莫不宿糧而
來賓療苦於斯水但上無尺棟下無環堵悠悠君子我

將安泊孤忝發軔咸池分條紫漢道屬昇平弱年敦仕
既歷通顯朝望已隆爰自常伯出居分陝地兼陸海之
饒祿厚封君之室而報天之効無聞邇民之譽安在每
思傾口微寒深責以爲斯泉天實登之而人略未侑迨
翦山開鄣因林構宇遂館來風清簷駐月望想煙霞遲
羽衣之或顧願言多士恕因茲以蕩穢迺作頌曰

皇皇上靈愍我蒼生泌彼溫泉于此麗川其水刻神刻
神刻聖濟世之醫救民之命其聖伊何排霜吐旭其神
伊何吞肱去毒無藉烟炭誰假樵木湛若虞淵沸如湯
谷東枕華山西抱咸陽連疇接畛墟落相望彩林爭翠

衆樹成行香風旦起文霞夕張陟彼麗山望想千里迺
作高堂鴻飛鳳起三輔之英五都之士慕我芳塵爰居
爰止其德旣酉其聲旣遠金華屑桂春山九轉日放羣
羊手口口大控鵠來思俊我口堂而

碑側題名

側廣八寸二行
行六字行書

眞淨子屢觀此碑表仰不能去

又四行行五
字隸書

大定壬寅仲冬十二日棲雲老人遊此子宗傑侍行
碑額三十六字字體奇詭不知所自云魏使持節散

騎常侍都督雍州諸軍事安西將軍雍州刺史松滋
公河南元萇振興溫泉之頌萇于孝文時以代尹除
懷朔鎮都大將宣武時爲北中郎將帶河內太守歷
侍中雍州刺史是碑所作當在宣武時也本傳稱萇
襲爵松滋侯例降侯賜艾陵伯降侯爲伯在孝文大
統十六年是碑仍稱松滋者當是尊崇其世爵故不
及其所降之爵也亦俗情如此耶

關中金
石記

按元萇傳魏書與北史文同傳稱元萇高祖時襲
爵松滋侯例降侯賜艾陵伯高祖遷都以代尹重
鎮除懷朔鎮都大將世宗時爲北中郎將帶河內

太守歷位度支尚書侍中雍州刺史卒謚曰成子
子華襲爵孝莊初除齊州刺史碑額題使持節散
騎常侍都督雍州諸軍事安西將軍當是刺史結
銜之例如此傳從略也初襲松滋侯降賜艾陵伯
而碑額題松滋公姑無論當稱降爵不當仍侯且
松滋之封自葦之曾祖始累世承襲皆是侯爵未
嘗稱公則此題松滋公所未詳也降侯爲伯孝文
時制以非太祖子孫王降爲公公降爲侯侯降爲
伯子男葦之始封廂上谷公紇羅乃神元皇帝之
曾孫在降封之例事在孝文太和十六年關中記

謂大統者似偶誤也水經注渭水逕新豐縣故城北東與魚池水會池水又西北流水之西南有溫泉世以療疾三秦記曰麗山西北有溫泉祭則得入不祭則爛人肉俗云始皇與神女游而忤其旨神水唾之生瘡始皇謝之神女爲出溫水後人因以澆洗瘡碑所記大致皆合且因有神女之事文故云高塘之雲朝發於水湄巫山之雨夕收於淵際蓋亦以艷語敷之也又云上無尺棟下無環堵迺翦山開郭因林構宇邃館來風清簷駐月然則溫泉之有室自元萇始矣文內元萇自稱爲孤他

碑罕見覩縷今俗作覩縷碑書作覩覩樵蘇之爨
爨作爨易鼎卦覆公餗餗作疎高唐之雲作高塘
存酖去毒酖與鳩通也乃書作酖西亘咸陽作西
拒其德既適作既酉皆別體也碑無年月元萇爲
雍州刺史傳亦不詳何年傳稱其爲河內太守在
世宗時其子除齊州刺史在孝莊初則以此碑附
於世宗之末爲宜矣碑側二行皆後人所題一無
年月一爲金大定二十二年壬寅歲也

楊大眼造象記

碑連額高三尺九寸廣一尺七寸四分十一行行廿
三字正書額題卮子像三字亦正書在洛陽伊闕

已主仇池楊大眼爲孝文 皇帝造象記

大靈光弗曜大千懷永夜之□□蹤不遺葉生哈靡道
之懺是以如來應羣緣以顯迹爰暨□□□像遂著降
及後王茲功廕佐輔國將軍直閭將軍□□□梁州
大中正安戎縣開國子仇池楊大眼誕承龍曜之資遠
踵應符之靈稟英奇於弱年挺超羣於始髫其□也垂
仁聲於未聞揮光也摧百万於一掌震英勇則九宇□
馬存侍納則朝野必附彰王衢於三紛掃雲勦於天路
南殲旣澄震鋌歸闕軍次□行路逕石窟覽先 皇之
明蹤觀盛聖之麗迹矚目□霄泣然流感遂爲孝文

皇帝造石像一區凡及衆形凡口備列刊名記功示之
云尔 武

大眼武都氏難當之孫魏書有傳碑云輔國將軍直
閭將軍口口口口梁州大中正安戎縣開國子官與
史合史惟不及梁州大中正及安戎爲安戎傳寫之
誤耳碑云彰王衢於三紛掃雲魴於天路寫清爲彰
鯨爲魴皆別字又云南機旣登震儼歸闕儼卽旅字
其寫含爲哈稟爲稟覽爲覽瞞爲瞞功爲功皆別字
末有武字似下有年號未了

中州金石記

記首題邑主仇池楊大眼爲孝文

下以記後文證之

知其爲孝文帝造石像作也大眼書官云輔國將軍

直閣將軍

下缺四字

梁州大中正安戎縣開國子北史裴

叔業以壽春內附與奚康生等率衆先入以功封安

成縣子除直閣將軍出爲東荊州刺史以此記相較

蓋缺錄爲輔國將軍不如魏書之詳

魏書除直閣將軍尋加輔國將

軍而梁州大中正失載及安戎之訛安成則兩史並

誤脫也記又云南穢旣澄震旅歸闕案是時爲宣武

初裴叔業內附所謂南穢者卽當指此然則此記正

記於宣武時也記後文單書一武字莫曉其指書勢

尤礫卓魏石刻亦希見

授堂金石跋

魏靈藏造像記

碑連額高三尺九寸五分廣一尺七寸四分十行行
廿三字正書額題魏靈藏薛法紹釋迦像九字在路
陽伊
關

夫靈跡誕邁必表光大之迹傳功既敷衆樹希世之作
自雙林改照大千懷緼暝之悲慧日潛暉哈生街道慕
之應是以應真悼三乘之靡憑遂騰空以刊像爰暨下
代茲容廡作鉅鑪魏靈藏河東薛法紹二人等永蒙光
東照之資闢兇寧劫頭之益敢 輒畧家財造石像一
區凡及衆形罔不備列願軌祚興遐万方朝貫顛藏等
挺三槐於孤峰秀九蕻於華苑芳實再繁彫櫟獨茂合

門榮葩福流并葉命終之後飛達千聖神闕六通智周
三達曠世所生元身眷屬捨百部則鵬聲龍花悟無生
則鳳昇道樹五道羣生咸同斯慶

陸渾縣功曹魏靈藏

字體似楊大眼記瑋捺卽荆條別字也又寫標爲樹
哈爲哈希爲希求爲永豪爲豪率爲寧棘爲棘中州金石
記

記所言蓋靈藏法紹二人自爲祝釐之詞皆誕妄無
稽不自悲其愚也別體字痛作應鹿作健長堂金石跋

齊郡王祐造象記

石高廣並一尺六寸十
五行行十六字正書

夫龔宗冲邈跡遠於鹿開靈範崇虛理絕於埃境若不
圖色相以表光儀尋聲教以陳妙軌將何以依希至象
髣髴神功者哉持節督涇州諸軍事征虜將軍涇州刺
史齊郡王祐體蔭宸儀天縱淑茂建成貴之通途識真
假之高韻精善惡二門明生滅之一理資福有由歸道
無礙於是依雲山之逆狀卽林水之仙區咸神像於青
山鏤禪形於龕石締慶想於幽津結嘉應於冥運乃佐
銘曰

芑芑靈樛眇眇幽宗靈風潛被神化冥通丹輿爲本巖

刺史堯謚曰敬收簡之堯在孝文帝太和二十三年則祐之襲在宣武帝時造像在孝明帝熙平二年距襲封又十八年矣碑無作記者姓名玩其文曰體蔭宸儀天縱淑茂云云非祐自述語殆他人勒銘以記者也下文云精善惡二門明生滅之一理善惡下似當有之字又銘云圓形泉石構至雲松至似當作室想刻本訛脫也

刁遵墓誌

碑高三尺二寸廣二尺八寸二十八行
每行三十三字正書今在南皮高氏

魏故使持節都督洛堯州□□□□□□□□

高祖協元亮晉侍中尚書左僕□□□□□□□□

□□□□□□□□□□夫人彭城曹氏父

羲晉梁國□□□□□□□□□□□□□□

□□□曾祖彝太倫晉侍中徐州牧司空□陽□□

□□□□□□□□□□□□□□祖暢仲遠晉

中書令金紫左光祿大夫□平□□□□□□□□

□□□□□□父雍淑和皇魏使持節侍中都督揚

豫宛徐四州□□□□□□□□□□□□徐豫

冀三州刺史東安簡公夫人琅耶王氏父□□□□

□□□□□□□□公諱遵字奉國勃海饒安人

也姓氏之興錄於帝齒中葉□□□□□□□□
□廣淵謨明有晉祖父以忠肅恭懿聯輝建□□見者
世往傳開□□□□□□□□□□之外不復銘於幽
泉也公稟惟岳之靈挺基仁之德忠□本於立□□□
□□□□□□以小節而求名無虛譽以眩世少能和俗
於人無際但昂然愕然者大□□□□□侍中中書
監司空文公高允皇代之儒宗見而異之便以女□爲
太和中□□□□□□尋拜魏郡太守寬明臨下而德洽
于民正始中徵爲太尉高□□諮議叅軍□□□□有
古人之風器而禮焉俄而轉大司農少卿均節九賦以

豐邛用莅事未暮遷使持口都督洛州諸軍事龍驤將軍洛州刺史公之立政惠流兩境平陽慕化辟地二百方一江汜成功告老上天不吊忽焉降疾熙平元年秋七月廿六日春秋七十有六薨于位朝廷痛悼百寮追惜贈使持節都督雍州諸軍事平東將軍雍州刺史侯如故加諡曰惠禮也惟公爲子也孝爲父也慈在臣也忠居蕃也治兄弟穆常棣之親朋友著必然之信尊賢容衆博施無窮載仁抱義行藏罔滯溫恭好善衆愉彌篤小子整等泣徂年之清駿痛龜莖之告祥奉靈輿而號慟遷神柩於故鄉以二年歲次丁酉冬十月己丑朔

九日丁酉寔於饒安城之西南孝義里 皇考儀同簡
公神塋之左松門水闕深局長鍵庶鐫石於下壤仰誌
惠於幽泉其辭曰

彼彼緜冑帝傭之繇驛代貞賢自唐暨晉明哲迭興忠
能繼倘在洛雲居徂楊岳鎮氛鯨興虐金甌道亡於昭
我 祖違難來翔位班鼎列朝望斯光顯顯懿 孝奉
構腰璜依仁挺信據德樹明紐龜出守入讀台衡惠澤
千里道懋槐庭清風遙被徽音遠盈日登農戩捕稼是
司巍巍高廩禮教將怡邇城侯捍戎氓佇治秉祚肅命
董牧宣威方叔剋莊燕喜遐齡庶乘和其必壽泣信順

而祖傾攀號子固訢摧裂子崩聲銘遺德子心呂廩刊
泉石子慟深屬 夫人同郡高氏 父允侍中中書
監司空咸陽文公

右魏刁遵墓誌遵雍之子也誌載遵歷官始末與魏
書刁雍傳略同惟本傳云遵襲爵太和中例降爲侯
而前叙雍事但云賜爵東安侯別無進封之文不知
何以云例降蓋傳文有脫誤爾遵有子十三人誌惟
云小子慙等慙卽整字不及諸昆弟之名蓋遵沒時整兄
儋尚俱已先卒古人文字之質而簡如此而諸弟姪
不以不列名爲嫌又徵古風之淳厚也誌列三世官

爵于首似行狀之式而銘詞之後別云夫人同郡高氏云云皆墓誌之變例也廣韻及通志氏族略並引風俗通以刁民爲齊大夫豎刁之後此誌云彼彼卽字縣尉帝儻之允驛代貞賢自唐迄晉不知何所據徧檢字書亦無儻字潛研堂金石文跋尾

雍正間南皮縣刁公樓耕人得此誌于刁氏墓中缺

其一角

竹庵齋金石目錄

同里金二質甫守天津余客清苑一日寄余後魏人墓銘拓本且云石在南皮不知何時出土有樂陵諸生攜以去今訪至其家搨得十本以其一見示屬爲

考之余閱其文簡淨書復適媚惜其石右下殘闕不知誰氏墓也誌稱魏洛州刺史諱遵勃海饒安人前列四世高祖協曾祖彝祖暢皆仕晉父雍始仕魏余因詳稽書史而知遵者刁遵也刁協在晉元帝時爲尚書令而見疾於王敦敦之構逆也上疏罪協帝使協出督六師及石頭之敗協行至江乘爲人所殺送首于敦敦平後協子彝乃斬仇人黨以首祭協墓由是知名歷徐兗二州刺史鎮廣陵卒官彝三子達暢宏而暢爲始興相桓靈賢以暢爲右衛將軍

魏書及北史刁

雍傳俱稱暢爲

晉右衛將軍劉裕起義暢乃伏誅宋書本紀云高

祖家貧常負刁達社錢三萬經時無以還達執錄其

嚴王謚造達見之密以錢代還由是得釋魏書兩見

亦同傳一在島夷劉裕傳而史裕誅靈寶以嫌故先誅刁

氏雍爲暢故吏所匿雍北史作雍奔姚興豫州牧姚紹於

洛陽後至長安興以雍爲太子中庶子姚泓滅歸魏

太宗明元帝假雍建威將軍青州刺史東光侯晉徐

豫二州刺史拜特進賜爵東光伯侯伯祇獻文帝皇

興中雍與源賀高允等並以耆年特見優禮允則遵

之妻父也誌稱遵於孝文帝太和中爲魏郡太守乃

南齊高帝武帝之時宣武帝正始中遷洛州刺史在

梁武帝天監二三年間其歿於熙平元年則天監之

十四年也遵有子十三人見於史者

楷子冲襲爵東安侯魏書

有傳冲子欽

尚整

整子柔仕齊爲國子博士

宣魏書作宣南史四人楷

與尚皆早卒故誌稱整等整字景智仕至征東大將

軍滄冀瀛三州刺史大都督加車騎將軍右光祿大

夫諡曰文獻遵之卒也整時爲驍騎將軍而誌但稱

小子整等不書其官已四品上階也至饒安在漢爲

千童縣後漢靈帝時始改此名魏書地形誌饒安自

熙平二年改屬浮陽郡遵卒於熙平元年故誌猶稱

渤海也若南皮與饒安自是兩縣而誌石嶺出南皮

將母誌所云孝義里者魏後割人南皮欺魏書云遵

嘗經篤疾幾死見神明救免言是福門之子當享長

年北史史於他治行不書獨書此一事顧誌不及焉

汪師韓跋

誌石為渤海劉克綸所得云里人自廢寺址掘出之

而已殘其一角今少山拓本文微有不續者此也案

誌文載高祖協元亮晉侍中尚書左僕缺晉書協曾

祖彝太倫晉侍中徐州牧司空義陽缺晉書徐亮二

中司祖暢仲遠晉中書令金紫光祿大夫晉書言暢

伏誅次子宏亡不知所在今以誌言於昭我祖連難

來翔則摩也摩富桓元之變不肯從逆而避地易名

富是父名叔和皇魏使持節侍中都督揚豫兗徐四

州下徐豫三州刺史東安簡公其世系之詳以案于

北史列傳刁靡字叔和曾祖協位尙書令父暢晉右

衛將軍較此誌叙官少略至靡本傳惟言明元假靡

建威將軍又假靡鎮東將軍青州刺史東光侯遷鎮

濟陰遷徐州刺史賜爵東安伯與此誌互勘乃相備

也誌云公諱遵字奉國渤海饒安人也宋遵亦見北

史云遵少不拘小節長更修改今誌言缺以小節而

求大名無虛譽以眩世與史正相符又遵歷官以誌

證之太和中轉大司農少卿尋拜魏郡太守正始中

徵

字殘太尉高陽

字殘

谷議參軍事都督洛州諸軍事

龍驤將軍洛州刺史又贈使持節都督兖州諸軍事
平東將軍兖州刺史今傳所載獨有卒於洛州刺史
亦其史文之略不及盡一人始末非廣記備言之體
也誌又記小子整等整附載冲傳後云整字景智遵
子楷早卒楷子冲宜爲祖後者也今誌書小子整奉
喪於禮文未協當亦一時俗尙使然耳刁氏以晉書
言之當劉氏旣破桓元遂滅刁氏幾無遺類矣而靡
及子遵並顯於魏然則協之忠固宜有後者也

跋

投堂金石

案魏書刁冲傳載遵將卒勅其子孫令奉父雍行孝
 論薄葬遺旨此誌亦未及也碑中究作究汚作汚棣
 作棣旄作祗龜作龜筮作莖皆別體惟儻字未詳左
 金石志

賈思伯碑

碑高六尺五寸廣三尺四寸二十四行每行四十
 字正書額題魏兗州賈使君之碑今在兗州府學

夫琰□□□因方祇以□緒□因既成廉□□□德
 □□□□□風□□□□□□□□□□使
 □□源遐緬穀鄴崇深識照天璣冲光警智氷清玉映
 有夷齊之揜蒞政□化□□□□□□□□□□

□□□□作捍青菴流愛屋之歌垂芳河濟欣來蘇之
詠可謂動衆化□□□□□□盛□□□□□
□□□□□□刊方來何述前治中從事史東平內史
□昌伯東平□祖髦長□□父□山□□□□□□
□□□□□□威將軍治中從事史吳興沈預民□
徐貞思等鏤石鐫□□徽万□□□□□□□□
□□□□□□□□君諱思伯字士休武威姑臧
人也晉太師賈他之後□□太傅誼□□□□□□
□□□□□□九世祖□□魏青龍中爲幽州刺史行
達□州□州□□□□□□□□□□□□□□□□

□□□□□州刺史高祖朕□事兼州別駕宜都
王司馬曾祖宏□有令譽示宦早喪祖□□□□
□□□□□青州□錄本州□中正州主簿
齊郡太守君童齒之中卓然岐嶷親隣純綺□□□
□善文賦慷慨□志□□張良□□超悵致□□太和
中起家爲奉朝請尊□□得□遊雅素逍遙集□□□
□□□高誼□求□□□□□雖年始弱冠便□然
公輔之□□稍遷楊烈將軍□□校尉□前軍將軍□
君仍授輔國將□□□□□□□□左□□□□
夜勤王匪躬斯著遐邇欽風縉紳引領除河內太守以

親老□□□除□□□□□□□尋□□□將□
一載□名拜熒陽太守辭不獲已遂恭所授官任未暮
風教逮□□□□□□□不□□□□□□澤漸□年
方之我君□有慙德矣尋除持節督南青州諸軍事征
虜將軍南青州刺史□□□□□□□□□□之□□
□□所頃□丁父憂復召拜光祿少卿將軍如故君諒
闇在躬猶昔皓髮繼□□□幾□毀□□□哀□□□
嘗□□□□□□財賑施親踈周給門姪長幼靡不贍
卹等其榮悴均其豐約士□□□除持節□兗州諸軍
事左□□□州□□□州土荒僅連歲不登又境上

之民好懷去口君按之以口口之口口口口在優平
賦口口其口口口口歲稔口口既實禮義用興闕境
懷仁外隣口附民庶欣歌士女口詠仰口口口口口
口口口口口口口口口口口口照灼英徽蟬聯
口口德楷世口仁惟口矩聲溢遐口芳流遠口動口口
口口口口口口口口謨資口韶氣繪藻口口華綺續雕
思三口口州澍澠別味思口二口口口口口續既口
口口口良海沂換口口鄭懷芳口口口口口口義彰
詠兼系管口辰甘棠撫口河濟飭光口服治隆王趙才
超張陸化湛煙翔風口口屬口口既領憲口以穆口口

猛相資惠和並布威厲秋霜澤子春露巖栖以空丘園
知慕異域口恩口隣極附口詞載口聲教口口口口
口口民庶未融敬惟德化於此知隆口口口口永馥芳
風

神龜二年歲次己亥四月戊辰朔口日丁亥訖功

大義主翟旭仁口義主口人令曹安都 義主姜甫
德

題賈使君碑陰

陰分兩截書此在上截
十行行十九字正書

余昔嘗見此碑墨本於彭城劉希道家希道語余曰

我先君與石曼卿善曼卿酷愛此字謂其行筆似褚
遂良疑褚書得此筆法余來兗州卽訪此碑於州人
無有知者及余重修相悅堂親爲經度行堂下庖舍
中忽見此碑卧竈後爲膳夫壓肉石矣余使人出之
于泥中汲水濯滌久之始可讀比昔時所見墨本雖
班班有剝缺處而加有古氣尤爲可愛因募工取石
爲座剝其中以上承之立堂之西偏以備好事者之
觀旣安固矣庶可久無虞也紹聖三年丙子歲中元
日太原溫益禹弼題

重題賈使君碑陰

此在碑陰之下載十六行行十字正書

兗州賈使君碑古人甚珍愛之何隱顯之有時也余因掌北門之管暇行城下見土中露石角詢諸人則曰是古碑也發而視之筆法高古昔人酷愛者豈欺我哉遂告知州李公命衆舉于門之右嵌石爲座口復立焉更俟後之好事者知古人之用心也

皆大元至正十二年歲次壬辰冬十一月日兗州知州李弼顏從恕暨前嶧陽縣尹蘇若思儼然龜州同知王鎮記

右賈思伯碑云諱思伯字士林武威姑臧人也太和

中召拜熒陽太守辭不獲又云青龍中出爲幽州刺史齊郡太守其前後已磨滅不可盡識按趙氏錄賈思同碑跋云思同與其兄思伯後魏書皆有傳爲青州益都人今其墓乃在壽光縣而思伯之碑亡矣此碑官秩與傳合青龍年號則三國之魏非拓拔氏也前魏有賈翊爲姑臧人豈卽思伯之高曾列在此碑以殘泐而無考耶德父云碑已亡而尙存于數百年後又一奇也但勅進受禪大寶諸碑皆作漢隸此碑忽開隸楷之漸直似褚河南三龕記筆意乃正書之

始歟

金石錄補

右兗州賈思伯碑文多殘失立碑之歲月趙明誠云
神龜二年四月今不可攷矣碑云思伯字士林而魏
書北史作仕休當從石刻其書休爲休與司馬元興
墓誌同晉人艸書休下多一畫亦以此碑云晉太師
賈他之後卽賈佗也又云九世祖口魏青龍中爲幽
州刺史按唐書宰相世系表賈誨魏太尉肅侯生璣
駙馬都尉關內侯又徙長樂此碑九世祖下似是璣
字又有因忠喪亡之語官位亦與唐表不合未審其
是否也

潛研堂金石文跋尾

案賈思伯魏書有傳此碑官秩皆合惜文多剝蝕碑

金石錄卷二十一
云口夜勤王匪躬口著遐邇欽風傳云任城王澄圍
鍾離以思伯持節爲其軍司澄失利思伯爲後殿澄
大喜思伯不伐其功時論稱其長者卽其事也立碑
歲月字更漫漶惟神龜下隱隱有己亥二字考之知
是二年也碑陰有宋元人記得碑始末甚詳其側康
熙間知府金一鳳題數行以爲三國時物是誤以元
魏爲曹魏也

山左金
石志

按此碑今在山東兗州府學戟門下西偏東向以
碑陰考之宋元之世原在府治不知何年移於學
宮稽之府志旣無明文康熙庚子兗守金一鳳自

風日中置之廡下刻記碑側亦不詳何處之廡下其緣起無從考矣碑遭風雨剝蝕大半府志不錄碑文不能補全魏書列傳簡略無補於碑之闕文然彼此有可互證者碑稱君爲武威姑臧人傳則稱齊郡益都人考魏書賈彝傳稱彝本武威姑臧人六世祖燉魏幽州刺史廣川郡亭侯子孫因家焉据此則武威姑臧是賈氏之先籍也傳稱釋褐奉朝請太子步兵校尉中書舍人轉中書侍郎世宗卽位轉輔國將軍碑則又有揚烈字及前軍將軍字傳所未備也碑於除河內太守以親老辭下

有除字尋字而闕者十餘字傳則云除鴻臚少卿
尋丁母憂也其官兖州也碑多闕字以傳考之乃
是除持節督兖州諸軍事左將軍兖州刺史也碑
云州土荒僅連歲不登傳於兖州政績無一語及
之州志既不列於官蹟又不紀於災祥公之善政
竟無考矣照灼英徽以下云云當是銘詞可讀成
句者無幾神龜年月字甚漫漶賴己亥二字可辨
方能定其爲二年末有義主又有大義主魯郡太
守張猛龍碑有義主而無大義主

趙阿歡等造像記

石高二尺八寸廣一尺三寸五分分兩截上截記十
行行十二字至十五字不等下截人姓名並行書

夫冲宗凝湛非妙像無以證其原至道顯微非詮莫能
尋其本是以闕口趙阿歡諸邑叶二人體生滅之際識
去流之分知是浮雲今如霜口故各竭家財造弥勒像
一匣藉同此福緣邑儀光普道根扶疎口外增

万吉寔侍龍花之期

口口口欲因緣

知識

口口口澤

神龜二年六月口

訖功

邑師惠感口

呂願德

孫阿歡

張龍口

邑主趙阿歡

劉運冕

許歡德

韓法智

光明主張惠普 趙道虔 李雙周 張毛洛

都維邨王呂宜 楊惠抱

維邨韋智達 投新德 張伏人

維邨賈勝羅門 江文宗 鄭天生

維邨張惠勝 張回敬 索珍保

邑正許惠但 王神龍 樂伏護

邑老張伏保 奴 趙胡扶

邑主孟其命 趙富貴

金石萃編卷二十八終

金石萃編卷二十九

賜進士出身 詔授光祿大夫刑部右侍郎加七級王昶謨

北魏三

高植墓誌

石高三尺四寸廣二尺三寸五分二十一
行行二十八字正書今在德州田氏家

魏故濟南相涼朔恒六州刺史

闕下

君諱植字子建勃海蓀人也

闕下

茂烈皆備之國藉家傳

不復更錄

闕下

不幸君口靈原之

闕下

者顧賜

闕下

求口道於

口衿始此

闕下

宣武皇

闕下

皇帝已

闕下

衛

闕下

理況

闕下

絕口

之

闕下

我以口方約我以

闕下

心始口

闕下

詐之輩

闕下

君在

闕下

關

神飈然

下闕

泉

下闕

虛康

下闕

名山

下闕

下贖子

下闕

豪痛彼蒼

者天喪此明公矣哲人惟義是依每見我君終始許

師

大魏神龜

下闕

按景州城東十八里有村名六屯本舊地割屬惠州

河岸兩坂得一石十人取之置野寺中字跡殘闕什

不存一矣石形高橫三尺厚五寸四面徧書上云諱

植字子建魏濟南刺史末注神龜元年蓋北魏高植

之墓石也考魏書外戚傳高肇之子植自中書侍郎

爲濟州刺史率州軍討破元愉別將有功當蒙封賞
不受云家荷重恩爲國致効是其常節何足以膺進
陟之報懇惻發於至誠歷青相朔恒四州刺史清能
著稱

川雲長河
志籍考

植父肇之妹卽植嫡姑爲高祖孝文帝后號文昭皇
后生世宗而世宗宣武帝之后高氏卽文昭弟偃之
女世爲后族文中國籍家傳及宣武皇帝字皆叙其
家世之貴盛史於植之父肇刺譏不遺餘力而植傳
則云當時號爲良刺史此碑所以有復矣哲人云云
也石於康熙間掘得歸田雲綸霞作長歌紀之云洵

洗摩挲按石尾下紀年月稱神龜渤海修人父名肇
北魏高氏從可知云云今更剝蝕神龜年號及父名
肇字亦無存矣

城術

右碑載田侍郎妻長河志籍考文二十一行字徑六
分多漫漶僅辨百數十字左有直線一行外刻銘辭
末行紀年存大魏神龜四字此碑存者字體精整鋒
穎猶新爲顏魯公所祖洵可珍也

山左金石志

按此碑從德州田氏家藏殘石搗出碑中一穿徑
八寸許而不圓似經後人鑿損者餘未損處亦多
磨泐左空處有龍飛鳳舞四字筆畫字體迥與木

碑不同文義不相聯屬疑是後人妄刻末行有大
魏神龜年歲次等字僅存左邊數筆神龜下一字
全泐歲次下微存左旁臣按魏孝明帝神龜元年
二年是戊戌己亥臣文不類戊己惟三年庚子之
庚字庶幾近之是年七月改元正光然則此碑立
於神龜三年七月以前也碑中字可辨者首行云
魏故濟南相涼州恒六州刺史魏書高肇傳稱子
植自中書侍郎爲濟州刺史歷青相朔恒四州頻
蒞五州皆清能著稱卒贈安北將軍冀州刺史今
以碑攷之實爲六州刺史傳失載涼州而碑但未

見有贈官冀州耳次行云君諱植字子建勃海蓀
人也勃與渤蓀與脩皆通用字脩魏書地形志作
脩高肇傳稱渤海脩人正與碑同下有宣武皇帝
皇帝字卽謂北魏世宗及肅宗明帝也此碑賴有
此數處能辨定爲高植碑否則未有不誤認爲陳
思王也

司馬昞墓誌銘

碑高二尺一寸五分廣二尺三寸五分共十八行每行一十七字正書今在孟縣某氏家

魏故持節左將軍平州刺史宜陽子司馬使君墓誌銘
君諱昞字景和河內溫人也晉武帝之八世孫淮南王

播之曾孫魏平北將軍固州鎮大將魚陽郡宜陽子與
之子先室亡離宗鬻介否乃祖歸國賞以今爵并世承
華休榮弥著君有拔羣之奇挺世之用神風魁崖機悟
高絕少被朝命爲奉朝請牧王主簿員外散騎侍郎給
事中從驪驤府上佐遷揚州車騎大將軍府長史帶梁
郡太守在邊有曄略之稱轉授清河內史此郡名重特
以人舉不幸遇疾以正光元年七月廿五日薨於河內
城朝廷追美詔贈持節左將軍平州刺史非至行域時
熟能若此以庚子之年元枋之月廿六日丙申塋於本
鄉溫城西十五都鄉孝義之里刊石誌文而爲辭曰

君侯烈烈玉搥金聲高風悻悻屢歷微榮奄然辭生沒
有餘馨鐫茲泉石用銘休貞

右司馬景和墓誌銘石已亡緣初在張大士家時有
以聞於邑令周名洵者取至署中驗視以其古物遂
於罷任時攜去張聞之追至洛陽不得而反今極意
訪求始從塌木得其文如右按魏書云景和給事中
稍遷揚州驃騎府長史清河內史正光元年卒贈左
將軍平州刺史而此誌有爲奉朝請主簿員外郎散
騎侍郎及帶梁郡太守並宜陽子及卒後贈官之文
蓋史畧而誌詳又史稱景和似是其名而誌則云諱

晒字景和亦足正史書之誤唯其所云晉武帝八世
孫者頗似與史不合按魏書司馬叔璠傳云叔璠晉
安平獻王孚之後孚字叔達景和爲叔璠曾孫則自
出於安平王孚之後而晉武帝則出於司馬宣王仲
達之後今云景和爲晉武帝八世孫是與史異也又
誌所稱宜陽子興卽前誌司馬元興名紹者又其云
淮南王播卽前誌所云謚曰簡公叔璠者前誌與史
傳相應而此誌名字脫誤皆追書者之過矣然其文
頗高簡有法而書跡尤超妙入神當爲傳世魏碑第
一此石爲周令移去徧尋不獲乃重摹入石置於縣

學云 又按司馬景和墓誌筆跡與其父元興誌當
是一人所書蓋二誌中書體如散作散奕作矣相似
者不一可覆按而知也 又按此誌蓋與其妻之誌
同在藥師村監生李洵家迺洵又從張購得亦自知
愛惜蓋但有墓誌銘三字正書或謂蓋卽其妻之誌
之蓋止揭來審觀之則此蓋與司馬景和誌石皆橫
長橫書相合若其妻之誌石稍小而又直長一直書
一橫書殊不相合矣且墓誌銘三字大徑寸餘與司
馬景和誌目末三字筆勢正同信爲司馬景和誌之
蓋也是則原蓋得重摹誌石而見全文而重摹誌石

得原本以互證筆意雖謂原誌仍存可也

孟縣志

文稱君諱昞字景和河內溫人也本傳但書景和蓋以字行者說文無昞字新附亦無此人既以爲名而唐高祖之父亦名昞蓋南北朝俗字徧天下矣觀此人字景和則知當日解爲和意晉書宣帝紀諱懿字仲達河內溫縣孝敬里人姓司馬氏故此亦云河內溫人碑又云晉武帝八世孫淮南王播曾孫魚陽郡宜陽子興之子攷本傳景和乃叔璠曾孫道壽之孫元興之子卒贈左將軍平州刺史今此碑標題書其追贈之官世襲之爵而于生前所歷未嘗一及且曾

祖則播與璠相涉父則興與元興相涉皆未詳

城術編

司馬景和見魏書云元興子景和給事中稍遷揚州
驃騎府長史清河內史正光元年卒贈左將軍平州
刺史證之誌文題首云魏故持節左將軍平州刺史
宜陽子與史言贈官合又誌文載少被朝命爲奉朝
請牧王主簿員外散騎侍郎給事中從龍驤府上佐
遷揚州車騎大將軍府長史帶梁郡太守轉授清河
內史今史惟叙其爲給事中爲長史爲內史至所言
遷揚州驃騎府與誌稱車騎者不符凡史家之疎皆
此類也誌稱君諱昺字景和晉武帝之八世孫淮南

王播之曾孫魏平北將軍固州鎮大將魚陽郡宜陽
子興之子播卽叔璠興卽元興而名字獨用截裁又
歷叙曾祖及父獨于祖缺不錄未解臨文者何所謂
也景和諱晒史亦失錄與元興同葬在溫城西之五
邨鄉孝義之里亦古鄉里名可徵者爲圖經所宜收
也別體字璠作播漁作魚休作休龍驤作驪驤邊作
邊偉作曄往作作校字

按魏書司馬叔璠傳叔璠長子靈壽神麋中與弟
道壽俱來歸國道壽寧朔將軍宜陽子長子元興
襲父爵據此則景和之祖乃道壽也傳不書景和

襲爵并不載景和之子何人此碑及前景和妻碑並題且陽子可以補史之疎至景和有五男三女見前妻碑但不詳其名此碑並男女之數亦略之文簡如此所宜合兩碑參觀而得其全也碑不書景和年若干考景和妻薨時春秋卅有二先景和八年薨則景和之年約五十矣景和妻以延昌二年六月薨粵三年正月葬於溫城之西此碑稱景和以正光元年七月薨以庚子之年元楊之月葬於溫城西庚子歲卽正光元年是距其妻之葬者五年元楊者左傳杜注元楊虛也爾雅虛星子位

之次則是葬以十一月也前碑稱葬於溫城之西
此碑稱葬於溫城西十五都鄉孝義里想卽同在一
墓地而不必如後世之分葬合葬詳晰言之耳
晉書宣帝紀稱河內溫縣孝敬里人此云葬于溫
城孝義里孝義想卽孝敬今昔異名也

張猛龍清頌碑

碑連額高八尺四寸廣三尺七寸二十六行行四十六字並正書在曲阜孔廟

魏魯郡太守張府君清頌之碑

口諱猛龍字神因南陽白水人也其氏揆分興源流所
出故已備詳世錄不復具載口口口口盛口特於帝皇

之始德星□□曜像於朱鳥之間淵元万壑之中岷巖
千峯之上奕葉清高煥乎篇牘矣周宣時□□仲詩
人詠其孝友光緡姬口中興是賴晉大夫張先春秋嘉
其聲績漢初趙景王張耳浮沉秦漢之間終跨列土之
賞□□世□君其後也魏明帝景初中西中郎將使持
節平西將軍涼州刺史璵之十世孫八世祖軌晉惠帝
永口中使持節安西將軍護羌校尉涼州□史西平公
七世祖素軌之第三子晉明帝太寧中臨羌都尉平西
將軍西海晉昌金城武威四郡太守遂家武威高祖鍾
口涼州武宣王太沮源時建威將軍武威太守曾祖瑋

偽涼舉秀才木州治中□□□西海□□二郡太守還
朝尚書祠部郎羽林監祖興宗偽涼都營護軍建節將
軍饒河黃河二郡太守父生樂□□□□□□□□
□□□□□歸國青衿之志白首方堅君體稟河靈神
資岳秀桂質蘭穢黜弱露以懷芳松心□□□□□
□□□□□自□□明若新衡之當春初荷之出水
人孝出第邦間有名雖黃金未應無慙郭氏及朋□
交遊□□□□□達蒙兩人表年廿七遭父憂縗食過
禮泣血情深假使曾柴更世寧異今德胤傾乾覆唯恃
坤慈冬溫夏清晚夕承奉家貧致養不辭採□之歡年

卅口丁母艱勺飲不入偷諱七朝磬力盡思備之生死
脫時當宣尼無愧深歎第事過人孤風獨超令譽日新
聲馳天紫以延口中出身除奉朝請優遊文省朋儕慕
其雅尚朝廷以君蔭口如此德口宣暢以熙平之年除
魯郡太守治民以禮移風以樂如傷之痛無怠於夙宵
君子之愛有懷於心目是使學校剋循比屋清業農桑
勸課田織以登入境觀朝莫不禮讓化感無心草石知
變恩及泉木禽魚自安勝殘不待餘年有成替月而已
遂令講習之音山聲於闕里來蘇之歌復詠於洙口京
兆五守無以剋加河南二尹哉可若茲雖名位未一凡

□□且易俗之□黃侯不足比功宵魚之感密子寧
獨稱德□乃辭金退下之貞耿拔葵去織之信義方之
我君今猶古□□□愷悌君子民之父母實恐韶職遷
影東風改吹盡地□庶遂深泣慕是以刊石題詩以旌
盛美□□能或闕□□庶揚休烈□□辭曰

氏煥天文體承帝□神秀春方靈源在震積石千尋長
松万刃軒冕周漢冠蓋魏晉河靈岳秀月起景飛窮神
開照或誕英徽高山仰止從善如歸唯德是蹈唯仁是
依栖遲下庭素心若雪鵝響難留□音遐發天心乃眷
觀光王闕浣綬紫□承華烟月妙簡□□剖符儒鄉分

金沂道裂錦鄆方春明好養溫而□霜乃如之人實國
之良□□□□□□□□□□之愜小大以情□□□
洗濯此羣真雲褰天淨千里開明學建禮循風教反正
野畔讓稱林□□□□□□□□□□衣可改畱我
明聖何□勿翦恩深在民何以易情風化移新飲河止
滿度海迷津勒石固□永□□□

盜寇將軍魯郡承北平□□□

義主叅軍事廣平宋撫民 義主驩驤府騎兵叅軍
驤威府長史征魯府治城軍主□軍□ 義主本郡
二政主薄□□□ 義主顏路 義主離狐令宋承

唐 汝陽縣義主南城令嚴孝武 義主口口賢文

陽平縣義主州主薄王盆生 義主口口口造頌四

年正元三年正月廿三日訖

碑陰

共十二列第一列七行在陰額二列二十行在額下
三列十一行四列二十一行五列十四行六列二十
一行七列二十一行人列十行九列二行十列
三行十一列四行十二列二十二行並正書

郡中正爰孝伯 中正顏文遠

魯郡白法相

功曹史孔暉祖 督魯弁新陽

主簿大口元哲 督汝陽弁二縣令

魯縣令杜僧壽 汶陽縣令明景欣

鄆縣令韓成 陽平縣令衛安族

并縣令董文定 新陽縣令崔咸 以上七行在陰頤

魯郡士望等 孔文情 韋市 孔口口 孔文口

孔口口 宋延年 王崇吉 韋文祖 韋清龍

王天念 爰景哲 徐椿壽 王順義 口口口

口口口 王興口 口世邁 王文進 口口隆

以上第一列

沈羅侯 王長佐 散祖樹 王懷月 徐苗口

王懷雍 王伯欣 柏奴口 敬武口 孔口口

孔口度

以上第二列

口官王玠度 口事張伯奴 錄事孔神祚

口曹掾李神虎 口曹掾董榮祚 戶曹掾卜循禮

金曹掾夏暎祖 租曹掾夏驃騎 租曹掾夏榮貴

兵曹掾顏榮茂 法曹掾薛胡仁 法曹掾苗祖樹

集曹掾孔景進 集曹掾孫靈拔 西曹佐星桃符

西曹佐秦榮族 戶曹佐卜天儀 戶曹佐王德仁

戶曹佐邵虎樹 戶曹佐樊道融

以上第三列

戶曹佐任榮族 金曹佐彭神景 金曹佐張靈祚

租曹佐任文建 租曹佐夏萬秋 租曹佐張衆德

兵曹佐苗桃符 兵曹佐夏文樹 法曹佐尙神暉

法曹佐□□□ 法曹佐李智徒 法曹佐常丘景祥

集曹佐王道援 集曹佐朱伯禧

以上第四列

魯縣族望 □戠 □從援 顏駟 白文難 □冀

生 王寄生 張神伍 □廣吉 □□ 任道懷

鄧天祐 高堆 柏聰明 張虎文 辛伯仁 胡外

之 于曇嵩 胡方進 成難生 顏龍

以上第五列

口普懷 陳叔軌 成順之 口業治 孔騎之 顏

乞 顏暈蘭 張僧坦 王道林 張苟生 張閃

于景暈 成惠 高曇貴 張兆脫 許翕 孫寄生

張陸 張顯和 成洛州 王願生

以上第六列

汶陽縣族望 鮑黃頭 高文景 彭定安 彭超越

孫文儁 成公興 孫文懷 若奉伯 管幽州

以上第七列

口口族望 徐伯援

以上第八列

陽平縣族望 吳安世 聶口

以上第九列

并縣族望 雋伯符 陳道樹 公乘伏德

以上第十列

新陽縣 田忘鳥 口口口 口口口 樊可愷 田

天明 雷天寶 田肆口 雷僧強 梅天念 雷天

恩 雷良振 田宜樹 萬方貴 梅僧援 雷普明

田河清 田惠明 雷乙德 田祖情 田武男 田

口口

以上第十一列

猛龍爲魯郡太守郡人立碑而頌之正書虬健已開
歐虞之門戶碑首正書大字十二尤險勁又蘭臺之
所自出也猛龍不見史冊據碑諱猛龍字神回而金
石錄有劉乾碑諱乾字天魏人名字如此亦異矣石
集

張猛龍碑猛龍字神回按回呼骨切日出氣也其名
字險怪不雅馴六朝溢觴於詩亦殆不特書也金石
右魏魯郡太守張猛龍碑建自正光三年其得列孔
林者以當日有興起學校之功也元魏之俗事佛尤

甚斬出以爲窟。範企以爲像。九竹之臺。萬金之液。竭
民力事之。及其旣成。靡不刊石勒銘。以紀功德。猛龍
爲西平武公。軌八世孫。方晉之朝。士崇高莊老。獨武
公在涼州。徵胄子五百人。立學校。春秋行鄉射禮。而
猛龍克循祖父之教。修聖人之學。於舉世不爲之時。
使講習之音。再聞於關里。噫。可傳也。予畱大同。問拓
拔氏故都。觀所繫佛宮。宮碑巨碣。已無存者。而斯碑
在。孔氏之庭。歷千年不壞。雖更歷千年。知莫有徙而
去之者。嗚呼。爲政之君子。可以知所務矣。學書亭集
元魏佞佛出清譚。尤甚猛龍。獨能講德肄業。重道隆

師繩祖武違俗尙可爲介然特立之君子矣又按道
武天興四年釋菜於先聖孝文延興三年封孔子二
十八代孫乘爲崇聖大夫孝明正光二年幸國子學
祀孔子以顏回配此碑立於正光三年之正月不獨
猛龍之政崇禮讓以其君有以倡之也碑文儻永開
齊梁風致所用論語有勝殘不待賒年政成非月而
已說文賒賁賁也一日遠也徐鉉曰遲緩爲賒以賒
代百豈所傳有異詞抑文人好奇之故耶東家雜記
孔乘爲二十七世孫與魏紀異顏辭後列義主十人
皆郡縣吏所謂本郡二政主簿不知何官卽義主亦

不見他碑豈義士義民類耶 碑陰丞一人中正二

人功曹史一人督魯弁新陽主簿一人督汶陽弁二

縣令下魯汶陽鄒陽平弁新陽縣令六人下書魯郡

士望等一行後列八十餘人次郡屬吏次六縣族望

各百人而漫滅者多次弁卽下漢舊縣豈弁與下可

通用耶自晉以後中原士族淪陷已久此碑明書士

望與族望標榜之意寓焉曲禮司士註士是官之總

名或係梓郡之士大夫也如祖曹集曹二掾爲官之

異星條若雋四姓公乘常郡二姓爲姓之異白法相

李神虎苗桃符張苟生管兩州鮑黃頭爲名之異蓋

羌氏亂華屢更官制改竄土籍若輩仰附華風勒名
碑碣所謂附驥之蠅不止千里且千秋矣顧氏金石
文字記曰其陰書陽原縣義士州主簿王益生造頌
予在廟中閱此行在碑之正而非陰也另一行有造
頌四年諸字在正光三年正月之上似記造頌四年
之後始立此碑非王益生之文也况同列者十人而
王益生下並無他字矣

金石
後錄

額題魏魯郡太守張府君清頌之碑正書十二大字
碑額正書首見於此君諱猛龍字神回可異也正光
三年魏明帝詔之七年梁武帝普通三年也

來齋金
石刻考

略

攷晉書張軌傳言自軌爲涼州至天錫凡九世七十
六年軌父溫爲太官令崛起求爲涼州公卿亦舉軌
才堪御遠遂出爲涼州刺史未聞有軌之祖瑒先爲
涼州刺史而自軌至天錫九世之中亦未聞有軌之
子素碑言虛實皆不可知也碑又言高祖鍾涼州武
宣王大沮渠時建威將軍武威太守攷晉書載記沮
渠蒙遜傳亦並無張鍾爲建威將軍太守者碑又云
曾祖瑒僞涼舉秀才本州治中西海二郡太守還朝
尚書祠部郎羽林監祖興宗僞涼都營護軍監建節

將軍饒河黃河二郡太守皆稱僞涼與前稱涼州武
宣王大沮渠者絕不同則不知其爲何等涼國乎外
此不過南涼秃髮儁檀西涼李暠而已疑碑言皆不
足信也惟猛龍以熙平年除魯郡太守差爲可据又
晉載記蒙遜以安帝義熙八年卽河西王位後八年
宋受禪元嘉十年死在僞位三十三年攷通鑑蒙遜
卒謚曰武宣王而載記並無謚武宣之文今此碑亦
稱武宣王則此文實足以補載記之闕

蟻術編

右魯郡太守張猛龍碑猛龍者晉西平公軌之八世
孫軌祖琬魏西中郎將使持節平西將軍涼州刺史

軌第三子素晉臨羌都尉平西將軍西海晉昌金城
武威四郡太守皆晉書所未載軌安定烏氏人而碑
云南陽白水人此則當以史爲正者也武宣王沮
渠謂沮渠蒙遜也碑書萬仞爲刃按書爲山九仞釋
文云仞字又作刃士喪禮疏引禮緯天子之旗九刃
諸侯七刃大夫五刃士三刃刃之爲仞猶十之爲什
古人固相通也

潛研堂金
石文跋尾

此碑書甚古拙亦多別體猛龍字神回回字世人率
未識也氏族作氏族喚嚴作喚嚴張老作張尅沮渠
作沮渠風宵作風霄風作風蹈作蹈耕作耕當南北

朝多有世俗創造之字如顏氏家訓之所譏者此類
斷不可以涉筆爾來士君子多知崇尚說文凡古書
相傳之舊非許氏愼之所有者一切改今復古此又
似未免矯枉過直也

抱經堂文集

碑載猛龍字神國南陽白水人以延昌中山身除奉

朝請以熙平之年除魯郡太守能興禮教垂聲于民

而民頌之如此其見於碑者八世祖軌晉惠帝永

闕字

當是寧字也

使持節安西將軍護羌校尉涼州刺史平西

公軌晉書有傳歷官與此合十世祖瑛碑言魏明帝

景初中西中郎將使持節平西將軍涼州刺史是軌

之圖據河西亦其憑依祖德有系于民故到官不旋踵而威著也史反于此略焉不書豈不亦失紀也與

授堂金
石跋

按猛龍魏書無傳其八世祖西平公在涼州徵胄子立學校行鄉射禮猛龍能繼祖武重道隆師洵守土之賢者矣頌後列義主十人皆其屬吏魏齊之世凡斂資刊石出資者率稱曰主如造象稱象主刊經稱經主勸緣稱功德主此則郡人頌太守之德事近於義故稱義主也碑文俗字如弟作第夏清作夏清緝作緝禽作禽旌作旌昆作崑龍驤作驤至以磬爲

幣霄爲宵乃通借字也碑陰姓名自郡縣曹掾曹佐以逮諸縣士望族望凡十一列每列人數多寡不齊其中異姓官名多史書所未見

山左金石志

按猛龍之字神囙字書無攷石墨鐫華載此碑作囙字亦不詳其音義今細驗揭本只字之上有心形不盡是只字或疑是困字之別體古淵字也碑中雖有淵字正文然或猛龍平日自稱其字作神囙則碑當仍之矣何以鼻憺句實不能識曲阜志釋作鳧憺又偷魂七朝事出釋典又裂錦鄒方玩文義當是製錦然碑實是裂義難曉也正光三年

之上有造頌四年四字殆紀造碑閱時之久也此
例亦他碑所無者碑陰十一列所載姓名自郡縣
曹掾曹佐以逮諸縣士望族望每一人爲一行每
二三行至一二十行爲一列人數多寡不齊此又
碑陰之變例也

禿口等五十人造像記

石高三尺八寸正面廣二尺二寸六行兩側廣八寸
五分各三行俱分作四截書記刻在左側上截七行
行十八十九字其餘俱人名刻在
佛像中間四字五六字不等正書

正光三年歲次壬寅口月五日

禿口靳神子化主東鄉毛如

邑主嚴桃關東鄉

正洛荒思祀邑胄荒陽德荒達斬國珍闕嚴大德邑正

嚴雙興都隄舩斬令石荒安興東闕嚴國昌張良洛但

官荒洪珍斬韶歡東鄉猛嚴闕典銑荒承達東鄉映周

五十人共造石像一軀闕□□□□□□□□□□□□

□□□□□□

清信士嚴顯樹 清信士斬元秀 清信士斬雙□

清信士史良受 清信士斬世奇 清信士嚴崇慶

清信士史千牛 清信士嚴四王 邑子嚴雙縣

都隄舩斬令戶 香火斬韶歡 邑胄斬國珍

邑胄嚴老德 隄舩嚴國昌 □□□隨公

邑子史玉保

邑子嚴桃生

香火靳神熾

典錄荒承達

邑子嚴也女

邑子荒法明

邑子史神口

邑子史思口

邑子嚴口興

邑子嚴退

邑子靳神達

邑子嚴萬歲

邑子嚴口口

邑口嚴輔口

邑子嚴口族

邑子嚴被口

邑子張買得

關政荒陽德

邑政荒達

但官荒洪珍

典銖東鄉暎周

邑子荒天受

邑子口口口

邑口荒神口

邑子東鄉口口

按此碑記袁靳嚴史四姓造象之事袁作荒別體

也碑中畫象衣摺猶可見六朝繪人物法其稱邑
臂疑卽邑胥邑政疑卽邑正趙阿歡等造弥勒象
記有邑正許惠但殆邑薦紳之屬也嚴乚女作也
仍是三筆蓋卽也字異文今俗也乚分爲二字二
音似非

比丘慧暢造像記

記高一尺四寸廣五寸
五分四行行十字行書

正光三年九月九日比丘慧暢仰爲皇口大口師僧父
母兄弟姊妹一切衆生敬造弥勒
同時成佛

陸希道銘側題字

石高二尺九寸五分廣四寸一分一行十九字正書

前涼州刺史兼吏部郎中陳郡袁翻字景翔制銘

右陸使君墓誌并蓋石俱方廣今尺二尺五分厚俱三寸蓋上篆書魏故涇州刺史淮陽男陸使君墓誌之銘十六字方三寸陽文凸起誌字正書徑四分舊在衡碭村今移在孟縣學忠義祠蓋上四隅有鐵柱類以挽合上下者誌惟首行魏故使持節字諸軍事字涇州刺史淮陽男陸使君墓誌銘字次行鉅鹿郡開國公之子也等字粗可辨識餘行上下或一二字而已緣村民用以捶布故其磨滅誌後側面別刻一

行卽前涼州刺史兼吏部郎中陳郡袁粲字景翔制
銘十九字尙無剝損按此誌名字年載無存考魏書
陸侯傳後附子孫諸傳云獻長子希道字洪度有風
貌美鬚髯歷覽經史頗有文致初拜中散遷通直郎
坐父事徙于遼西後得還從征自效以軍功拜給事
中遷司徒記室司空主簿征南將軍元英攻蕭衍司
州以希道爲副及克義陽以功賜爵淮陽男拜諫議
大夫以學關今古參議新令轉廷尉少卿加龍驤將
軍南青州刺史以本將軍轉梁州刺史希道頻表辭
免又除東夏州刺史不拜轉北中郎將遷前將軍郢

州刺史希道善於馭邊甚有威略轉平西將軍涇州
刺史正光四年卒官贈撫軍將軍定州刺史希道有
六子云云今按誌謂涇州刺史淮陽男者與傳正同
又誌云鉅鹿郡開國公之子者蓋其父獻曾封此爵
亦見獻傳而此誌卽陸希道誌石也傳稱正光四年
卒官則此誌固正光間物矣且魏書并有袁翻傳略
云翻少以才學擅美由著作佐郎歷官至涼州刺史
還拜吏部郎中出爲齊州刺史孝昌中除安南將軍
中書令領給事黃門侍郎與徐紇并掌文翰才學名
重肅宗靈太后燕華林園舉觴謂羣臣曰袁尙書朕

之社預欲以此杯屬元凱侍者無不仰美云云按正
光五年後改元孝昌龔拜吏部郎中實正光末事益
知此誌爲正光間造也又陸侯子石跋亦嘗刺涇州
并見侯傳後然旣非男爵而又在前五六十年不與
袁龔官戰相應故知非也魏碑誌皆不著撰人名氏
此獨并著其字者殆因龔有大名愛而重之故書以
爲光美耳然非在石側而在誌前則亦同磨滅矣至
魏書傳希道事蹟與北史略同可稱才兼文武自堪
欽重且非此誌亦不知其葬于孟也石間五六十年
前自孟張河村出土但今亦不能實指其處而此蓋

初爲郡學生席得元所得因崔孝廉士訪及之遂欣然俾送縣學隨于其族人縣學生有松家訪得誌石并移郡學延平劍合固自有數也

孟縣志

元寧造像記

記刻座上刻記處橫廣二尺四寸高一尺五分十六行行七字正書在榮陽

大魏孝昌二年歲次丙午正月辛丑朔廿四日甲子榮陽太守元寧仰爲二聖

敬造石像一軀願主上萬祚臣僚盡忠後宮皆潤願天下太平四方慕儀又願亡 孝生天安養國上上下下延壽兄弟眷屬含靈有識蠢動衆生普同斯福彰龍山岳

靡不慈仁所願如是

煇陽太守元寧造象記借煇爲榮借儀爲義猶有古

意寫區爲壚潤爲潤延爲延蠶爲蠶皆別字

中州金石記

碑云仰爲二聖敬造石像一壚二聖者時靈太后稱

制謂肅宗及太后也禹貢滎波从水漢志河南郡滎

陽縣亦從水今乃從火二字古通用

蟻術編

李和之造像記

記橫廣八寸五分高六寸二分八行行五字正書

清信士佛弟子馮翊王國典祠令李和之仰爲口世父母及自己身敬造像四軀願生生世世恒與善會

按碑無年月文云馮翊王國典祠令李和之魏書
宗室諸王無封馮翊者惟長孫道生傳道生子抗
抗子歡歡子莫高祖賜名稚字承業靈太后時累
除雍州刺史莊帝初封上黨王尋改馮翊王後降
爲郡公孝莊本紀武泰元年四月辛丑改元建義
癸卯使持節車騎大將軍雍州刺史上黨公長孫
稚爲驃騎大將軍開府儀同三司進爵爲王尋改
封馮翊王九月改元永安本紀不書何時降封郡
公要之不出此年之事則宜列之永安元年以稚
之封馮翊與孝莊之紀永安俱不久也魏書官氏

志無典祠令之官惟載天賜元年十二月詔始賜
王公侯子國臣吏士大郡王二百人次郡王百人
皆立典師職比家丞總統羣隸又載從第九品以
前上階有王公國諸署令此所謂典祠令者或卽
典師之職馮翊王國所自署令也

懷令李超墓誌銘

石高二尺二寸廣二尺三寸五分二十六行
每行二十六字正書在偃師縣學明倫堂

魏故懷令李君墓誌銘

君諱超字景昇本字景宗後承始族叔在江左齊懸同
故避改云秦州隴西郡拔道縣都鄉華風里人也雅著

高節敦篤世風言行足師興作成往循情孝友同心名
義安貧樂道息詭遇之襟介然峻特標確焉之撻弱冠
舉司州秀才拜奉朝請除恒農郡冠軍府錄事叅軍事
率沁水縣巨政崇治綽居尤嚴爲受罪者所註章憲臺
誤聽被茲深劾除名爲民於是廿季中浮沉間巷玉潔
金志卓尔無間到熙平二年甫更從宦補荊州前將軍
騎兵叅軍事復作懷令已受拜垂垂述職遭疾正光五
年八月十八○卒于洛陽縣之永年里宅時季六十一
孤貞華首訖於二邑門從無兩遠迹酸恨懷之百姓長
慕喪氣雖陳雷之哀望胡季微不是過也越六年正月

丙午朔十六日辛酉葬洛陽縣覆舟山之東南壘壤難
窮陵谷時異刻茲陰石照宇光塵

泱泱顯族嚴粲西垂代襲清則口炳羽儀道妙之門緒
風屬斯惟祖惟考倜儻瑰奇昌謨迭駕高幾明規杳量
无隄壘勢不貲揔循異貫員應紛枝灼灼伊君山立淵
浮棲真宅止窠繩履程懿鏤爲質醇素用情均治禮世
氣重財輕亦旣從招旁溢鴻聲隨牒出入密勿力誠爰
蒞近邑先邁儀形絕交獨坐化動陰竇尙德貽各衆實
叵蓋拂衽歸來飭輶輶帶恂恂鄉閭万殊一會優柔善
成无小无大垂白再仕汎尔公流階倫稍降盛業愈邁

遂作後城士女承休竈頓方馳盡土悲愁尅節炯言引
賞靡微端恭妄砭家俗虛膺權彼地跡事用篇繪長源
未輸深苗乍卷蓋此逸機空生徒返茲寃易削疇毒難
遣楨柳疎疎泉房塞遠婦孤內爛妹弟摧恒式鏤沉石
託注幽篆

妻恒農楊氏父談爲荊州主簿 息女孟宜年卅六適

恒農王始儁郡中正 息女媛姿適遼西常彪侍御史

息女仲妃適武威賈子謠涼州治中 息道冲 息

女婉華 息女休顏 息女四輝 息道逸年十六

息道栖年十三

碑稱正光五年卒越六年始葬按明帝正光六年改
元孝昌孝昌三年改元武泰核其時當是武泰二年
也云泰州隴西郡狄道縣都鄉華風里人又云卒于
汝陽縣之永年里皆古里名又云葬洛陽縣覆舟山
之東南太平寰宇記偃師縣有覆舟山陶季述京邦
記云周回二十里下有白水苑是也此云在洛陽者
與偃師接境銘詞云衆實叵蓋叵者叵測之意蓋出
說文序云是非無正巧說義辭使天下學者疑蓋然
則蓋者疑不定之意耳又云楨櫨疎竦則爾雅拍撈

是也

中州金石記

億案誌有近出圭並無斷缺李君諱超字景昇本字
景宗後承始族叔在江左者懸同遂易其字誌下文
又云正光五年卒起六年始葬當時年號在數年中
凡屢改易而纖悉書之不便於文故約舉言之又誌
云女皆作息女子皆作息史記漢高祖本紀臣有息
女正義曰息生也東觀漢記蓋我子息也誌蓋本此
書子女而並書壻牽連之文則愈煩贅矣誌石出自
今喬家邨旁近此誌云葬洛陽縣覆舟山之東南當
時偃師並屬洛陽於斯可徵而覆舟山古跡之尙存
者亦有指也

偃師金石
遺文記

按魏明帝以孝昌四年二月被弑臨洮世子釗立
改元武泰四月釗又被弑長樂王子攸立改元建
義九月又改元永安是武泰建元祇兩月不但無
二年并非元年也碑稱越六年正月當是永安二
年文於八月十八日之日字忽从篆作○亦異文
也

路僧妙造象記

記橫廣一尺八分高
四寸十三行行五字

大魏普太二年四月廿四日清信士路僧妙爲亡夫造
釋加象一區願令亡夫捨穢從真神超塵海面奉慈顏

願見在眷屬口鍾善集舍門口口辨比丘僧口口者口
文口

按文云普太二年借太爲泰字爲亡夫造象則路
僧妙是清信女而云清信士豈當時女士通稱耶
釋加卽釋伽亦借用字

任寄妃等造像題名

石四面刻前十二行後九行皆橫廣三尺二寸高一
尺四寸八分兩側皆橫廣二尺九寸共八行每行均
五字
正書

邑口任寄妃

邑子口口口

邑子趙顯暈

邑子郭業輝

邑子口呵口

邑子王口口

邑子□□□

邑子□□□

□□□阿□

□□□□□

邑子□醜女

邑子□阿暉

邑□傅阿貴

邑子□阿□□

邑子□□□妃

邑子田阿男

邑子□神婆

邑子輔明王

邑子□□女

邑子楊□□

邑子□醜女

邑子□□□

邑子□□□

邑子□熙怡

邑子□□□

邑子□阿□

邑子□□女

邑子□□□

邑子王女□

田僧敬造像記

石高二尺八寸五分廣二尺一寸厚九寸五分分上
下截記刻側之下截八行行六字正面下截象間俱

刻人名
並正書

□□□□□□□□□□曰清信士田僧敬上爲皇帝下爲七
世父母所生父母造玉像一軀願眷屬身安行吉值佛
聞法□有羣生□同此願

□□□□

□□□□

孫子祐生

孫女□

息肆雅

孫女容

息□□

妻王□

息□□

妻路□

息河□

妻李□

息天安

妻許捺

息僧敬

妻鄭俗

息口保

妻王男

息阿口

母趙明光

金石萃編卷二十九終